

教之應因時之澆淳而次乎妙也下之末章以信言不信言為教之用任物之華實而施乎道也是以因時任物而不違不爭是有其元德而大順於造化復其常道而入於妙門者矣

道德真經藏室纂微篇卷之十

道德真經藏室纂微疏序

難三

老子道德五千言行於世者千五百年矣燦然如日月之麗天固不待贊古今注釋不啻百餘家顧淺深詳畧雖有不同至於發揮妙理啓迪人心要皆有功於聖人之門者也竊嘗觀碧虛陳君所解中間貫穿百氏剖析玄微引證詳明本末畢備尤為近世所貴然初機之士開卷茫然往往有望洋之歎太雲真人性純德粹問學該通號為羽派宗匠熟經講演垂五十年可謂陞堂觀奧矣迺於青練之暇撰成科文義疏七卷纂微問題及總章夾頌各二卷丁寧醜縷蓋數十萬言意欲使學者泝流而知源因博以求約如躡梯以陟九層之臺舉足愈高而所見益廣及乎造重玄之極致悟大道之強名體用兩忘右無雙遣超然自得於筌蹄之外然後敬為此老拈一瓣香庶幾不負平昔用力之勤也書成既久秘而不出鳳翔張公大師美原白公顯道冉三懇請欲錄版以廣其傳原兆劉伯英贊而成之且薦僕為序引其心俱可尚茲樂

為之書浮陽李庭序

天地萬物之一會於聖人之心明於聖人之言觀聖人之言不察其所從出無惑乎事物之多紛紛藉藉有萬不同而莫能為之總持而兼攝也夫道生於一散於萬不知萬之歸於一者皆推本窮源之學不講也老子道德經之所從出者一而已矣曰上經曰下經似不一也未嘗不一也曰八十一章曰五千言似不一也未嘗不一也蓋以天地萬物之一寓於上下經八十一章五千言之中使天下後世由於一而知夫一也夫一之理廣大渾淪難手擬議形容也謂之有邪則不得於言謂之無邪則不離乎物方天地萬物未形之先是一也已萌乎其中及天地奠位萬物品彙之後是一也無所往而不在天地得一而為天地萬物得一而為萬物聖人得天地萬物之一開悟天下後世蓋非一言一論所能究悉此老子道德五千言所由以作也若虛子生平千載之後虛心守一得玄學之傳為之纂微開題其言至矣而太霞真人以謂碧

虛子博極羣書數引廣奧非誦學設聞之士所能窺測也況變故之後典籍焚蕩無所攷閱恐久而失其傳也於是乎推本碧虛質以平昔所學更互演繹著為科文疏鈔又附之以總章無慮數十萬言支分節解極絡通貫曲暢旁搜巨細畢舉遂為完書蓋其慮之也至故言之也審憂之也深故說之也詳碧虛予之所迷殆無餘蘊矣噫是經也老子作之碧虛纂之太霞又從而釋之何經歷世數之久而述作之多蓋一之理難手擬議形容也雖然後之學者不可畏高而怯其難亦不可躡等而為之易必也睿思明辨日就月將孜孜汲汲無少間斷深玩而實體之則是一也洞然會中有不期悟而自悟者矣特見自凡趨聖超然物外神遊八極身居閭苑者未必不由茲學始其緒餘土苴猶足以齊家治國平天下云冲素大師美田白公顯道蔭光大師長安劉公伯英同鳳翔張公大師鉞梓以行於世且以蒲城堯公講師公叔書來枚余願丐序引姑為題其端首為大蒙古國歲己

酉秋七月既望宣差陝西規措三白渠副使太華郭時中序
康節先生云先天圖心法也心乎心乎天地間一大義理之府乎太易六十四卦潔淨精微之旨皆自心畫中來二帝三王精一執中之傳皆從心法中出洙泗師弟子一貫忠恕之妙皆由心學中得靈府淵微之地古初聖賢以此而極深研幾探賾索隱以此而超凡入聖悟道求真學者欲悟先天圖之秘參道德經之奧大抵自一心而入千萬世而下以心印心以聖契聖得老氏不言之教扶先天未露之機獨惟太霞真人為能得之方其漱藝苑流詞源濟濟乎儒中領袖迨其造道間探玄機井井然教門準繩恩沐兩朝名高千古向樓神華嶽風賓樹友睥睨世塵直履實踐有日矣丁未冬平涼元帥王公加禮延請我真人不遠千里惠然肯來鞭轡躊躇以崕峒為久駐之地宛然廣成子之復出山川政觀草木增輝薰蒸乎和氣之襲人洋溢乎教聲之盈耳聞下風而望餘光者豈特陝西數

十州而已哉蓋寸地明而太空無礙靈臺微而止水湛然霽月光風一襟洒落冰輪玉鑑曾次昭融以一心自得之學造二經無為之旨開題訓注接經引子奧義冰釋科文疏解撫古驗今羣疑睨消言言皆玄妙之門字字盡真常之理開者易悟悟者易得老氏曾像本趣燦若日星玄中有悟妙處無疑讀之者耳目惺惚覽之者形神混合曰道德真經疏義後生晚學如披雲霧觀青天登崑崙獲片玉幸惠後學豈不偉歟元帥王公一日登諸生于庭囑僕曰真人道德真經疏義與老氏同一心法誠後學所未見道侶中西岐張公大師已為鈔諸梓矣猶恐流傳未廣欲從是邦點履珪之漆貯蔡生之楮廣為印施以大其傳為學者抽關啟鑰真大惠也子盍為引其端予應之曰隋珠趙璧安用賈乎僕素不才何足以知聖人邪固辭弗獲借為替贊是猶模倣天地繪畫日月多見其不知量云若夫得魚忘筌得兔忘蹄得象忘言又在後之造道者自得爾時已酉無射寓平涼貢士

道德真經藏室纂微開題科文疏卷之一

太霞老人薛致遠述

碧虛真人曰夫老子道德二經者統論空洞
 虛元自然道德神明太和天地陰陽聖人侯
 王士庶動植之類而已矣所謂廣大而無不
 羅細微而無不襲者也是故司馬遷稱之曰
 九經浩浩不及二篇之約也今將釋此經先
 明垂經之主次顯造疏之人夫此經者乃
 太上老君所說也纂微者陳君碧虛真人之
 所作也開題者亦真人之所自述也大霞老
 人不按淺陋浪述科文疏義兼以消釋開題
 庶使學人識玄元應世垂經之本末知真人
 開發玄元之次序由此科文而入之也以盡
 海戈測海以管窺天真所謂不知量也今將
 開題大判分為二十門具列于後

- 一者明碧虛真人始纂微開題之義
- 二者正釋開題首明太上姓字謚號次明
 或為萬天主或為百王師隱顯之迹
- 三者明太上感孕託胎降生時代年月日
 時所據也

四者明太上降生之後聖貌端嚴具七十

二瑞相八十一種好及所居之鄉國也

五者明太上隱聖同凡潛居卑秩以佐時

主并去周年代也

六者明關令真人本傳及瞻星望氣知有

聖人度關之兆

七者明太上度關歲月及再約尹真人於

蜀都青羊肆相會之事

八者明太至上至幽王時復還中夏廣聖教

謂平王時復來中夏孔子得以問禮而

嘆其猶龍

九者明太上知周道衰故再出關變名易

號晦迹師凡壽數短長莫有知者

十者明太上懷道抱德隱聖同凡世系綿

長子明孫孫祭祀不輟

十一者明太上乃得道之靈受老子之號

十二者明太上具神通力應為道主垂世

立教千方萬法以救於人

十三者明太上以恬淡無為守之於內和

光同塵應之於外故稱為博大之真人